

SMK Labuan Juara Keseluruhan Ping Pong



SMK Labuan muncul johan keseluruhan Kejohanan Ping Pong Majlis Sukan Sekolah-Sekolah Wilayah Persekutuan Labuan (MSSWPL) buat kali keempat berturut-turut.

Pada kejohanan yang berlangsung di Dewan SJK (C) Chi Wen, Sabtu lalu menyaksikan SMK Labuan meraih 3 pingat emas, 1 perak dan 2 gangsa.

Tiga pingat emas itu diperoleh menerusi pemain perseorangan perempuan, Coco Lee, beregu perempuan, Coco Lee dan Alicia Teo serta beregu lelaki, Delwyn Nathaniel dan Billy Goh.

Alvin Sim mendapat pingat perak menerusi acara perseorangan lelaki manakala dua pingat gangsa diperoleh menerusi pemain perseorangan perempuan dan lelaki, Alicia Teo dan Billy Goh.

Pengetua SMK Labuan, Ismail Abdullah mengucapkan tahniah dan syabas kepada semua pemain atas kejayaan cemerlang skuad SMK Labuan yang berjaya mengekalkan kejuaraan buat

kali keempat berturut-turut.

Katanya, kejayaan tersebut adalah hasil kerja keras pemain yang dibimbing dua jurulatih, Afandi Yahya dan Ustaz Mohd Sharafuddin Iliah.

Ucapan terima kasih juga Ismail tujukan kepada pengurus pasukan, Hasriah Sidik yang berjaya mengendalikan pasukan ping pong tersebut pada tahun ini.

“Sudah tentu kejayaan itu akan menyemarakkan lagi semangat bukan sahaja pemain ping pong tetapi juga kepada semua pelajar yang bakal menyarung jersi SMK Labuan di bidang kokurikulum dan akademik pada tahun ini,”katanya.

Sebanyak 12 sekolah menengah menyertai kejohanan tersebut pada tahun ini.

Majlis penyampaian hadiah disempurnakan oleh Pengetua SM St Anne, Chan Kwi Fong dan Guru Besar SJKC Chi Wen, Julius Voon selaku penganjur Kejohanan Ping Pong MSSWPL 2017.

Sumber : Utusan Borneo 28 Februari 2017

**Kelab Pendidikan Labuan
sertai STREET ARTS SHOWCASE**



26 Februari – Kelab Pendidikan Labuan telah menyertai buat pertama kali Street Arts Showcase (SAS) pada 25 Februari 2017. Aktiviti anjuran Labuan Society ini mengumpulkan lebih 40 individu, persatuan, peniaga dan sekolah-sekolah dari seluruh Labuan. Kelab Pendidikan Labuan telah mempamerkan pelbagai hasil karya seni untuk tatapan masyarakat umum selaras dengan hasrat memperkenalkan Jabatan Pendidikan Labuan di mata masyarakat.

Pameran kali ini juga disertai oleh guru-guru inovatif yang mempamerkan hasil inovatif dan kreatif bahan bahan pendidikan. Antara guru-guru yang terlibat ialah Cikgu Suriani (SPA), Cikgu Hasnan (SKP1), Cikgu Shiela (SKK ST ANNE), Cikgu Tilla (SKK ST ANNE), Ustazah Dalilah (SK MEMBEDAI), dan Cikgu Mohd Nizam (SPA).

Menurut penyelaras aktiviti Cikgu Suriani Oxley, antara inovasi alat pembelajaran yang dipamerkan termasuklah alat permainan Bahasa Inggeris 'REUGO' yang diperbuat

dari kadbod, kalendar dan kertas terpakai, koleksi alat permainan Bahasa Inggeris yang diperbuat dari bekas botol air mineral, alat permainan Bahasa Melayu yang diperbuat dari bekas tin biskut dan alat permainan menulis jawi 'WAJHU' yang diperbuat dari bekas straw minuman serta 10 buah karya seni kakitangan jabatan pendidikan. Beliau berharap Kelab Pendidikan Labuan akan terus mendapat sokongan dalam penyertaan SAS yang akan diadakan setiap bulan.

JPWPL, SK Bukit Kalam, SK Sg Bedaun Raih Kemenangan Kibar Bendera



25 Februari – Jabatan Pendidikan Wilayah Persekutuan Labuan (JPWPL) berjaya mendapat tempat kedua dalam

pertandingan kibar bendera wilayah persekutuan yang telah diadakan sempena Sambutan Hari Wilayah Persekutuan Tahun 2017.

Penilaian pertandingan anjuran Jabatan Penerangan Labuan ini telah dilaksanakan pada 13 hingga 18 Februari 2017. Hadiah telah disampaikan oleh Menteri Wilayah Persekutuan Datuk Seri Tengku Adnan bin Tengku Mansor. JPWPL telah menerima plak, sijil dan hadiah wang tunai sebanyak RM1000.

Menurut penyelaras aktiviti, Encik Mohd Nizam Yasim, JPWPL telah memasang lebih kurang 300 bendera Wilayah Persekutuan dan bendera Malaysia pelbagai saiz di persekitaran bangunan JPWPL yang bertempat di Bukit Kalam.

Paling menarik ialah rekaan inovasi menggunakan 3 kipas siling terpakai. Semua kakitangan JPWPL termasuk PKP telah bertungkus lumus bagi menyahut cabaran mengibar bendera wilayah sebagai tanda semangat kecintaan kepada Wilayah Persekutuan.



Sementara itu, Sk Bukit Kalam muncul sebagai johan dan Sk

Sungai Bedaun naib johan bagi kategori sekolah dalam pertandingan kibar bendera Wilayah Persekutuan pada kali ini. Masing-masing menerima sijil, plak dan wang tunai sebanyak RM1500 dan RM1000. Syabas dan tahniah diucapkan.

Semoga kemenangan ini mampu menyuntik semangat seterusnya dalam pertandingan kibar bendera Malaysia dalam bulan kemerdekaan pada Ogos nanti.

Shuib dipilih YDP PIBG SK Sungai Lada baharu



SHUIB (tengah) bersama AJK PIBG SK Sungai Lada Sesi 2017-2019. Turut kelihatan Guru Besar SKSL Anita Shyamini (duduk, dua kiri).

AHLI perniagaan Haji Shuib Nasir dipilih sebagai Yang Dipertua Persatuan Ibu Bapa dan Guru (PIBG) Sekolah Kebangsaan Sungai Lada (SKSL) yang baharu bagi sesi 2017-2019.

Pengarah Jabatan Pendidikan Labuan Raisin Saidin dan Guru Besar SKSL Anita Shyamini A/P S Azman masing-masing dilantik sebagai penaung dan penasihat persatuan itu.

Yanti Bakir pula dipilih sebagai Naib Yang Dipertua, Bendahari Siti Aliza Ag Emran, Setiausaha Nurul Ain

Adawiyah Bahari dan Timbalan Setiausaha Ruzanah Mohd Jais.

Lima ibu bapa dipilih sebagai ahli jawatankuasa (AJK) iaitu Ellyza Abu Kassim (Biro Kebajikan), Abdullah Hussin (Biro Sukan), Janney Sumil @Nursyafina (Biro Pembangunan/Keceriaan), Abdul Aziz Ismael (Biro Agama) dan Viancy Ng @ Norafiza (Biro Keraian).

Tiga penolong kanan adalah Sitti Rahimah Yusuppu (PK Pentadbiran), Norela Suhaimi (PK Hal Ehwal Murid) dan Mahmud Mumin (PK Kokurikulum) turut dilantik sebagai AJK.

Mesyuarat Agung PIBG SKSL ke-25 diadakan pada Ahad lalu di Dewan SKSL.

Sementara itu, sebanyak 12 aktiviti telah dirancang oleh PIBG sepanjang tahun 2017 iaitu Program Berkat Ibu pada 24 Februari, Program Family Day & Talent Show (Mac), Gala Night (April), Qiamulail (Ramadan), Sambutan Hari Raya Aidilfitri (Hari Raya) dan Motivasi Pelajar UPSR bersama IPTA.

Turut dirancang, lawatan ke Sekolah Contoh SK Lubai-Limbang, Qurban, Khatan & Majlis Kesyukuran, Pertandingan Memancing, Hari Keusahawanan, Program Lestari dan lawatan kerja amal ke rumah anak yatim di Jakarta Indonesia (3 hari 2 malam).

Shuib yang juga penyampai radio Labuan FM berkata mesyuarat itu mencatat sejarah kerana pada sebelah siang diadakan mesyuarat pemilihan manakala pada sebelah malam diadakan mesyuarat AJK.


“Belum ada lagi PIBG mengadakan mesyuarat agung dan mesyuarat AJK pada hari yang sama. Ini membuktikan komitmen guru dan ibu bapa untuk melihat SK Sungai Lada berdiri sama tinggi dan duduk sama rendah dengan sekolah lain di Wilayah Persekutuan Labuan,” katanya.

Bagaimanapun, beliau memerlukan kerjasama semua ibu bapa selain guru untuk memastikan semua perancangan PIBG itu berjalan lancar pada tahun ini.

Katanya jika semua ibu bapa dan guru berganding bahu, beliau yakin SK Sg Lada mampu melakar kejayaan di bidang akademik dan kokurikulum pada masa akan datang.

Sumber : Utusan Borneo, 23 Februari 2017

Kreatif dan Inovatif, Sistem Pencernaan Manusia



23 Februari – Kreatif dan inovatif selaras dengan pembelajaran abad 21, begitulah bahan PdPc yang telah dihasilkan oleh Cikgu Kalpana A/P Maniam, guru SMK Pantai. Beliau bukan sahaja kreatif tetapi juga telah

menerapkan konsep 4C dalam pembelajaran abad 21 iaitu *Creativity, Critical Thinking, Collaboration* dan *Communication*.

Cikgu Kalpana telah berjaya menarik minat pelajar dengan membina bahan pengajaran dan pembelajaran bagi topik sains tingkatan 2 iaitu memahami sistem pencernaan manusia. Aktiviti melukis, mewarna, melabel organ dan aliran pemakanan dalam sistem pencernaan manusia secara berkumpulan pada sehelai baju putih membolehkan pelajarnya dapat memahami konsep pencernaan manusia dengan lebih mudah.

Melalui kaedah ini pelajar dapat berkolaborasi dan berkomunikasi secara berkumpulan bagi membincangkan bagaimana proses pencernaan manusia berlaku termasuk fungsi setiap organ dalam aliran pencernaan. Proses perbincangan bermula dari mulut turun ke esofagus, perut, hempedu dan usus.

Sistem pencernaan manusia yang telah berjaya dilukis akan dipakai oleh salah seorang pelajar dari setiap kumpulan dan dibentang serta dibincangkan kepada semua pelajar. Tahniah diucapkan dan teruskan usaha anda Cikgu Kalpana A/P Maniam, Guru Cemerlang, SMK Pantai.



Nadi Ilmu Amalan Membaca (NILAM) SMK Rancharanchara dan SMK Labuan



22 Februari – Majlis Pelancaran Program Membaca SMK Rancha-Rancha oleh Dato Sri Mohd Alias Bin Haji Abdul Rahman. Turut hadir Pengetua SMK Rancha-Rancha, Encik Omar Baki Matusin, KPP BTPN Encik Ag Marten bin Hj Abdul Rahman, Penolong-Penolong Kanan, Guru-Guru dan Murid-Murid SMK Rancha-Rancha. Semoga pelancaran program membaca ini dapat memupuk dan menggalakkan lagi minat membaca dalam kalangan warga SMK Rancha-Rancha.



22 Februari – Membaca merupakan jambatan ilmu. Pelbagai ilmu pengetahuan dalam pelbagai bidang dapat kita pelajari melalui amalan membaca. Semakin banyak yang kita baca dan pelajari, maka semakin tinggilah ilmu yang akan kita perolehi. Mudah-mudahan inisiatif SMK Labuan membina Sudut Nilam di pejabat pentadbiran dapat dimanfaatkan oleh semua pihak termasuk pentadbir sendiri, guru-guru dan juga PKP. Semua guru dan PKP digalakkan membawa sendiri pelbagai jenis buku untuk disumbangkan kepada sudut Nilam SMK Labuan.

Bantuan Awal Persekolahan



Seramai 172 murid Tahap Dua Sekolah Kebangsaan Lubok Temiang (SKLT) menerima bantuan awal persekolahan sebanyak RM100.

Majlis penyerahan wang berkenaan disempurnakan oleh Penolong Kanan Hal Ehwal Murid Farid Marcus kepada ibu bapa di kelas murid masing-masing pada Jumaat lalu.

Beliau yang mewakili Guru Besar Cally Awat Moguring berharap bantuan itu dapat meringankan beban kewangan ibu bapa untuk

membeli peralatan persekolahan.

Beliau berkata kerajaan pimpinan Perdana Menteri Datuk Seri Najib Tun Razak sentiasa prihatin terhadap keperluan rakyat berpendapatan rendah di negara ini termasuk di Wilayah Persekutuan Labuan.

“Kerajaan akan terus menjaga kebajikan rakyat berpendapatan rendah dalam menyediakan keperluan persekolahan anak-anak,” katanya.

Farid berharap menerusi bantuan awal persekolahan itu, akan menyuntik semangat murid untuk belajar bersungguh-sungguh dan menjadi insan yang berguna kepada agama,

bangsa dan negara pada masa hadapan.

Turut hadir ialah Penolong Kanan Pentadbiran Roslan Mohamad.

Waspada Mencurigakan

Individu



Labuan, 18 Februari – Murid-murid disaran agar menunggu ibu bapa di dalam kawasan pagar sekolah selepas sesi persekolahan atau kegiatan kokurikulum berakhir.

Pengarah Jabatan Pendidikan WP Labuan, Encik Raisin Saidin berkata pihaknya telah mengarahkan Pengetua dan Guru Besar supaya memastikan ibu bapa menjemput anak mereka masing-masing apabila sudah sampai ke sekolah.

Selain itu, katanya bagi murid-murid yang menaiki kenderaan awam secara berkumpulan pihak sekolah

dikehendaki memaklumkan kepada pegawai keselamatan sekolah supaya membuat pemantauan.

“Demikian juga guru bertugas minggu itu juga dikehendaki membuat pemantauan di tempat-tempat bas sekolah menunggu murid balik dari sekolah” katanya dalam satu kenyataan kepada media kelmarin.

Beliau berkata demikian ketika mengulas viral kes percubaan penculikan murid Tahun 3 SKK SK St Anne Labuan, selepas waktu kokurikulum, Rabu lalu.

Encik Raisin Saidin juga mahu Pengetua dan Guru Besar serta guru-guru mengingatkan murid-murid supaya mengelakkan diri daripada duduk bersendirian ketika menunggu ibu bapa.

Pada masa sama, Encik Raisin Saidin meminta ibu bapa supaya dapat mengambil anak-anak mereka yang pulang ke sekolah pada masa yang sesuai bagi mengelakkan anak-anak menunggu lama.

“Pemandu-pemandu bas sekolah juga boleh memainkan peranan mereka memerhatikan kereta-kereta persendirian yang mencurigakan berada di kawasan luar sekolah pada masa murid-murid balik dari sekolah”, katanya.

Tambah Encik Raisin Saidin, pihak sekolah juga boleh menjadualkan Pegawai Perhubungan Sekolah PDRM berada di sekolah ketika murid-murid balik dari sekolah.

Sementara itu, beliau berkata pihak sekolah boleh merujuk pekeliling-pekeliling berkaitan langkah memastikan keselamatan murid di sekolah iaitu SPI Bil 8/1999 Keselamatan diri murid dalam perjalanan pergi dan balik sekolah dan SPI Bil 8 Tahun 2011 Pengurusan Keselamatan Murid Di Sekolah.

Encik Raisin Saidin meminta kerjasama semua pihak

termasuk komuniti, Badan Bukan Kerajaan (NGO), JKKK dan Majlis Permuafakatan Penduduk (MPP) agar memainkan peranan masing-masing dalam membantu menangani keselamatan anak-anak terutama ketika balik dari sekolah.

“Ibu bapa perlu sentiasa menasihati anak-anak mereka supaya tidak mudah terpengaruh dengan individu yang tidak dikenali apatah lagi dalam keadaan mencurigakan di luar kawasan sekolah” katanya.

**SJKC Chi Wen, Labuan
International School Hebat
Akuatik**



13 Februari – Bertempat di Kolam Renang Labuan International School (LIS), pasukan renang dari sekolah SJKC Chi Wen dan Labuan International School (LIS) telah mengungguli Kejohanan Akuatik Majlis Sukan Sekolah-Sekolah (MSS) Wilayah Persekutuan Labuan Kali Ke-16 2017.

SJKC Chi Wen berjaya menggondol 10 pingat emas, 2 perak dan 3 gangsa untuk muncul juara kategori Sekolah Rendah. Sekolah Kluster Kecemerlangan SK St Anne tidak kurang hebatnya dengan 8 emas diikuti tempat ketiga SK Pekan Dua 3 emas 12 perak 6 gangsa.

Tuan rumah iaitu LIS terlalu hebat untuk dicabar dengan Sekolah Menengah lain dengan menggondol 24 emas, 19 perak dan 15 gangsa. Naib johan SM St Anthony dengan 9 emas dan 1 gangsa, tempat ketiga SM St Anne 9 emas.

Atlet Harapan MSSWPL – murid SK Pekan Dua, Arhadin Prome, 8 emas 2 perak di 50th Sabah Age Groups.

Anugerah Atlet Cilik Terbaik – murid SK Pekan Dua,

Joramli Soni, 8 tahun.

Adik Bryan Bao Yang dari SM St Anthony memenangi 4 pingat emas dan 1 rekod baharu kejohanan.

Anugerah Khas Keluarga Aktif Akuatik – Abdul Kahar Abd Rahim (Penolong Kanan Kokurikulum SK Pantai) dan Dalilah Desa (Penolong Kanan Kokurikulum SK Membedai).

Kejohanan Akuatik Majlis Sukan Sekolah-Sekolah (MSS) Wilayah Persekutuan Labuan Kali Ke-16 2017 ini dianjurkan oleh LIS dan SK Pekan Dua.

Majlis penyampaian hadiah telah disempurnakan oleh Ahli Parlimen Labuan Datuk Rozman Isli.



SK Bebuloh dan SM Sains

Juara Keseluruhan Merentas Desa MSSWPL 2017



Tahniah diucapkan kepada SK Bebuloh dan SM Sains Labuan yang telah menjadi juara keseluruhan Merentas Desa Majlis Sukan Sekolah Wilayah Persekutuan Labuan (MSSWPL) 2017. Kejohanan berlangsung pada 11hb Februari bertempat di Padang Majal, Pohon Batu.

Kategori Lelaki 12 Tahun Ke Bawah

1. SK Bebuloh
2. Sk Lubok Temiang
3. SK Pantai

Kategori Perempuan 12 Tahun Ke Bawah

1. SK Bebuloh
2. Sk Lubok Temiang
3. SK Pantai



Kategori Lelaki 15 Tahun Ke Bawah

1. SMK Labuan
2. SM Sains Labuan
3. SMK Taman Perumahan Bedaun

Kategori Perempuan 15 Tahun Ke Bawah

1. SMK Mutiara
2. SM Sains Labuan
3. SM St Anne

Kategori Lelaki 18 Tahun Ke Bawah

1. SM Sains Labuan
2. Kolej Vokasional Labuan
3. SMK Taman Perumahan Bedaun

Kategori Perempuan 18 Tahun Ke Bawah

1. SM Sains Labuan
2. SMK Labuan
3. SM St Anne

